



Broj: 02-05-1-164/13
Datum, 7.02.2013.godine

IZVOD IZ ZAPISNIKA

Sa 4. sjednice Općinskog vijeća Maglaj
održane dana 7.02.2013.godine u 16,00 sati u Domu kulture
«Edhem Mulabdić» Maglaj

Sjednicom predsjedava Marko Zelić, predsjedavajući OV
Sjednici prisutni : Faruk Hidić, dopredsjedavajući OV Maglaj, Jasmin Devedžić, sekretar OV
Sjednici prisustvuje Općinski načelnik Mehmed Mustabašić
Zapisničar, Nisveta Bašić

Predsjedavajući OV , govori da na osnovu člana 59. Poslovnika o radu Općinskog vijeća Maglaj i zaključka Kolegija od 23.01.2013.godine, Programa rada OV za 2013.godinu i ukazane potrebe otvara 4. sjednicu Općinskog vijeća Maglaj.

Današnjoj sjednici pozvani su vijećnici SDA-a, SDP-a, SBB, SBiH, HDZ NSRzB i Stranke penzionera poziv je upućen i predsjednicima-predstavnicima političkih parlamentarnih stranaka, kantonalnim zastupnicima , zastupniku u Državnom Domu naroda BiH. Sjednici prisustvuje Općinski načelnik i rukovodioci općinskih Službi, predstavnici Javnih ustanova i Javnih preduzeća/poduzeća čiji je osnivač Općina Maglaj kao i predstavnici čiji materijali će biti razmatrani na današnjoj sjednici Općinskog vijeća.

Poziv za sjednicu i materijali su dostavljeni i predstavnicima OSCE-a, sredstvima informisanja/informiranja koji prate rad današnje sjednice Vijeća. Sve je pozdravio i pozvao da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama ratu.

Izvršena je prozivka prisutnih vijećnika i konstatuje/konstatira se da sjednici prisustvuje 24 vijećnika.
Nije prisutan vijećnik Kapić Jasminko, opravdao izostanak

Sukladno članu 88. Poslovnika o radu OV Maglaj, ispunjeni su uslovi da Vijeće može punovažno raditi, odlučivati i donositi odluke, zaključke i rješenja.

Predsjedavajući OV, govori da stavlja na dnevni red verifikaciju Zapisnika i Izvod iz zapisnika sa 3. sjednice OV koja je održana 27.12.2012.godine.

Otvorena je rasprava

Vijećnik, Mirsad Mahmutagić , govori da čitajući ovaj zapisnik ne mogu da se otmu dojamu da je potrebno insistirati za ulaganje malo više truda kod izrade ovih zapisnika o čemu se i ranije u nekoliko navrata skretali pažnju. Ponegdje se pojave rečenice gdje ne mogu sami sebe prepoznati, miješaju se rodovi, znači sugerišu da se uvijek piše ili u prvom licu ili u trećem licu. U jednoj rečenici se pojavi na početku «ja», pa onda »on».

U predmetnom zapisniku imaju konkretnu primjedbu na strani 9 u zaključku 1. tačka 2. gdje su samo nabrojane organizacije o kojima smo govorili, znači boračkih i civilnih organizacija, traže da se taj dio ispravi u skladu sa zaključkom koji je donesen na sjednici i onako kako to piše na strani 3. kako je usaglasio Kolegij. Znači Kolegij je lijepo ovdje usaglasio/usuglasio obaveze prema boračkim udruženjima i civilnim udruženjima, a onda u zaključku se ovamo nabrajaju pojedine organizacije, znači ne sve da se to prepravi i napiše onako kako je donesen zaključak.

Da se ubuduće malo više pažnje posveti i naravno da zaključci budu što konkretniji i jasniji onako kako se ovdje dogovorimo. Ne govori to džabe jer je vidio na stranici Općine u «Službenim novinama» da se ponovo ubace samo za dio organizacija izvršenje manje od 100% kako je dogovoreno, ako je to slučajna greška neka se i to ispravi, a zaključak je jasan i takav treba da se provede.

Verifikuje/verificira Zapisnik i izvod iz zapisnika sa 3. sjednice OV uz predložene primjedbe

VIJEĆNIČKA PITANJA I INICIJATIVE

Vijećnik Mirza Bradarić, govori da je na prošloj sjednici OV postavio dva pitanja, međutim na jedan dio pitanja je od gospodina Načelnika dobio usmeni odgovor, a tražio je da to bude u pismenoj formi i nije dobio niti jedan odgovor. Interesuje/interesira ga zašto i da li će to dobiti?

Vijećnica Svjetlana Zamboni, govori da je dva vijećnička pitanja postavila na pretprošloj sjednici, međutim nije na vrijeme dobila odgovor i danas će izraziti svoje nezadovoljstvo odgovorom na vijećničko pitanje vezano za gradsko groblje. Iz odgovora koji je dobila mogla je vidjeti da je pokrenut postupak pred nadležnom općinskom Službom, ali i dalje nije mogla ocijeniti u kojoj fazi se nalazi rješavanje tog problema vezano za gradsko groblje. Traži detaljnu informaciju koji su to koraci konkretno poduzeti od 2010. godine do danas, u kojoj fazi je rješavanje ovog problema, da li se ono nazire ili ne, te ko je zadužen za to? Dalje postoji sudski spor pred određenim sudskim instancama, ukoliko je vidljivo da Općina ne može zadržati zemljište koje je sporno i što je vrlo vjerovatno/vjerojatno jer ne vidi nikakve pomake u periodu od 2010. do danas, da se ide ka traženju drugog rješenja, odnosno lokacije koja će predstavljati trajno rješenje gradskog groblja.

Vijećnik Mustafa Bešić, govori da je na prethodnoj sjednici postavio dva pitanja. Prvo pitanje odnosilo se na odvoz smeća za sa novošeherskog kraja. Dobio je odgovor od direktorice KJD Maglaj Zukić Amire. Ovim putem moli da se shvati ozbiljnost odvoza smeća sa novošeherskog kraja i sa preostalih mjesnih zajednica tj. Kopica, Čoba, Domislice, Strupine. Oni u mjesnom vodovodu Domislica imaju stalno probleme, zato što ljudi u Čobama dovlače smeće sa motokultivatorom do samog izvorišta. Kontaktirao je sa svojom mjesnom zajednicom i tražili su najbolju analizu šta da urade. Dobili su cjenovnik za odvoz smeća od 300,00 KM jedne ture iz Domislice, znači od prilike za četiri puta to bi izašlo 1.200,00 KM a to nisu u mogućnosti sami da ispoštuju. Moli ovog puta Načelnika da im pomogne u rješavanju ovog problema. Da napravi jedan sastanak sa svim mjesnim zajednicama da riješe taj problem jer sramota je stvarno, oni su početni i voda od njih teče prema dole. Ovih dana imamo kiše, stalno, ljudi bacaju masovno smeće navečer bacaju, to smeće kome ide opet nekom ide pred vrata. Moramo se pozabaviti ovim problemom.

Drugo pitanje je postavio oko upošljavanja demobilisanih boraca, na to pitanje nije dobio nikakav odgovor.

Ovim putem želi da kaže da su demobilisani/demobilizirani borci se uputili u kanton i traže pomoć i podršku ministra za boračka pitanja. Upoznali su ga sa problemom koji muče demobilisane borce na općini Maglaj i sastanak je trajao oko 2 sata i pošto ima malo vremena, rekao mu je « da u Maglaju vlada bijela kuga, da je siromaštvo ušlo u naše domove, da imamo u svakoj mjesnoj zajednici sve više gladnih ljudi, da borci se dovijaju gladni i poderani u proteklom ratu, da ih je zatekla ista sudbina». Zamolio ga je dođe u posjetu da uđe u njihove domove da vidi i da se uvjeri kako narod živi. Obećao je dolazak i ovim putem želi da obavijesti sve demobilisane borce općine Maglaj da će biti informisani i da će to biti jako brzo.

Vijećnik Enes Sejmenović, govori da na pitanja i inicijative koje je postavljao tokom proteklih godina dobio je odgovor od Direkcije za ceste i dobio je odgovor od JP «Elektroprivreda» BiH, direkcija Zenica vezano za ulaganja na općini Maglaj. S obzirom da je ovo išlo preko Službe za urbanizam što se tiče ulaganja ne bi iščitavao ali nije zadovoljan lično ulaganjima «Elektroprivrede» na području općine Maglaj, a ova sugestija Službi da prate ovo što su oni nabrojali za 2013. godinu da malo koordiniraju.

Što se tiče JP Ceste F BiH dostavili su odgovor u kome kažu da nisu usvojili plan ulaganja za 2013. godinu, samim tim ne mogu ni dati informaciju šta je to planirano za općinu Maglaj, a drugi dio se odnosi na njegovu dežurno pitanje za raskrnicu u Kosovi i konačno su oni ovdje priznali da tehnički prijem nisu nikad ni napravili. Dakle, raskrsnica koju su izgradili 2010. godine nikada tehnički prijem nije urađen, i oni žale zbog propusta i obavijestili su službi već dokumente vezano za pokretanje ove aktivnosti. Želi da se u ove aktivnosti uključe i predstavnici mjesne zajednice kako bi ukazali na vidne nedostatke. Za ovom govornicom reći će samo tri osnovna nedostatka što podrazumijeva da se ne može desiti tehnički prijem pod ovim okolnostima, a to je nije realizovano/realizirano u planiranom projektu, prilaz sa južne strane za djecu u školu – podhodnik, rasvjetljenje raskrsnice i zaštitna ograda iznad podhodnika, makar da samo tri vidne isprave, tako da Služba i oni koji budu vodili računa o ovome da tehnički prijem se ne desi, naravno da ćemo iskoristiti priliku da im ukažemo i na sve druge nedostatke u ovom projektu. Zamoliti ih da na sastanak na nivou općine Maglaj, da dođe i predstavnik JP Direkcije ceste da se dogovorimo o projektima na općini Maglaj.

Vijećnica Selma Avdić, govori da se njeno vijećničko pitanje odnosilo na zahtjev grupe građana sa područja Bisrice, Jelovca, Ravne, Oruča, Kosove i Moševca a vezano je bilo za ne kontrolisanu sječu šume na tom cijelom području općine Maglaj, kao i s tim da je Općina Maglaj pokrenula postupak za dopunu podataka, intervencijom zaštite zahvata na području Bistrice i sprečavanja nelegalne sječe šuma, također ovaj dopis je upućen na slijedeće adrese JP Šumsko društvo ZDK, Kantonalna uprava za šumarstvo, Ministarstvo za poljoprivredu, vodoprivredu i šumarstvo ZDK kantona, Federalnu upravu kao i ostale i moli Službi da barem do

slijedeće sjednice OV dostavi konkretne informacije za ovaj problem, jer je ovo problem svih građana kao i svih nas jer mi pijemo ovu vodu, a ovi građani žive na tom području. Zamolila je Službu da dobije odgovor.

Vijećnica Hasna Kusur, govori da joj je drago da inicijativa koju je iznijela na prošloj sjednici OV o oslobađanju plaćanja administrativne takse u slučaju zapošljavanja i nevladinog sektora u svrhu kandidiranja po javnom pozivu, podržana, da je donesen zaključak koji ima snagu odluke, te da se taj zaključak koliko ima informacija u praksi primjenjuje.

Postavila je pitanje da li je potrebno da se na dnevni red uvrsti prijedlog Odluke o izmjeni i dopuni odluke o administrativnim taksama s obzirom da danas nije predložen na dnevnom redu, te ukoliko je potrebno moli da se prijedlog ove Odluke uvrsti na slijedećoj sjednici OV.

Vijećnik Ibro Mašić, govori da se zahvaljuje Načelniku i Službama, vezano za otvaranje trgovinskih radnji i ostalih djelatnosti. U čaršiji kruže priče kako je to teško i kako je to neizvodivo. On je osjetio na svojoj koži tj. njegova supruga, sve što je platio, platio je 4 knjige 100,00 KM i otvorio je trgovinsku radnju.

Vijećnik Sabahudin Hatičić, govori da je nezadovoljan vijećničkim pitanjem koje je već tri puta postavljao, pošto je dobio dva različita odgovora na vijećničko pitanje koje se tiče izgradnje spomen obilježja poginulim pripadnicima Armije BiH u naseljenom mjestu Omerdino Polje, od dvije službe, zanima ga šta je u stvari istina.

Prva Služba za boračko-invalidsku i socijalnu zaštitu, opću upravu i društvene djelatnosti dana 13.12.2012.godine dostavila je odgovor kojim je pojasnila da je opredijeljena lokacija za Spomen obilježje, da je urađeno idejno rješenje i da se još čeka predmjer i predračun radova za izvođenje istog. Iz ovoga je zaključio da su imovinsko pravni odnosi za opredijeljenu lokaciju «kod Lipe» riješeni i da postoje osnove za podnošenje zahtjeva za urbanističku suglasnost.

Međutim, u drugom dopisu Služba za urbanizam, geodetske i imovinsko pravne poslove dana 21.12.2012.godine, odgovorila je da se trebaju pozvati članovi Vijeća MZ Maglaj grad iz naseljenog mjesta Omerdino Polje i da pokrene realizaciju ovog projekta. Znači da do sada u ovoj Službi nikada ništa nije pokrenuto, a ona je nadležna za izdavanje urbanističke saglasnosti/suglasnosti kao prvog koraka i svih drugih potrebnih papira. Predložena lokacija «kod Lipe» je u posjedu Medžlisa Islamske zajednice Maglaj i nalazi se uz Regionalni put Maglaj-Zavidovići zbog čega bi se trebala suglasnost Direkcije cesta Zenica. Znači da za tu lokaciju treba riješiti imovinsko pravne odnose što je jasno iz ovog dopisa da to nikada nije pokretano. Služba predlaže da se razmotre mogućnosti urbanističkog uklapanja spomen obilježja i na drugim lokacijama što sigurno treba razmotriti.

Iz ovoga svega može zaključiti da nikada ništa nije konkretno pokretano za izgradnju spomen obilježja poginulim borcima Čete Omerdino polje u naseljenom mjestu Omerdino polje. Misli da je velika sramota svih nas što već nije izgrađeno spomen obilježje na Omerdinom polju kao i u drugim mjesnim zajednicama, jer u sastavu Čete Omerdino polje bio je i znatan broj boraca iz grada Maglaja a ne samo sa Omerdina polja.

Pozvao je Načelnika da sa svojom funkcijom i autoritetom u suradnji sa Predsjedavajućim OV naloži Mjesnoj zajednici Maglaj grad, odnosno članovima Vijeća MZ Maglaj grad iz Omerdina polja, kako je razumio oni su ti od kojih sve mora krenuti da preduzmu/poduzmu potrebne aktivnosti za realizaciju ovog projekta, a poslije da omogući da nadležne Službe u što kraćem roku odrade potrebne dozvole.

Vijećnik Fuad Čičkušić, govori da je na prethodnoj sjednici OV u ime Kluba zatražio odgovor od nadležne Službe gdje se nalaze mjesne zajednice da dostavi podatke koji se odnose na redovan rad mjesnih zajednica. Odluku o raspodjeli novčanih sredstava za redovan rad mjesnih zajednica za 2012.godinu, Kriterije za raspodjelu tih sredstava, te informaciju koliko je realizovano sredstava po odlukama samo za redovan rad svake mjesne zajednice pojedinačno. Odgovor je dobio od resorne Službe za boračko-invalidsku i socijalnu zaštitu, opću upravu i društvene djelatnosti u kome su navedeni ukupni iznosi transferisani po mjesnim zajednicama. Iz dostavljenog odgovora se ne vide informacije koje su tražili i piše u materijalu koji smo dobili za današnju sjednicu isti je izvještaj, ista je informacija pod Jedinstvenim organom općine Maglaj, tako da će i dalje insistirati zbog nejasnoća koje su se stvorile na terenu, nekvalitetne informacije, odgovor očekuju od nadležne službe onako kako je postavljeno pitanje, decidan, konkretan i misli da svaki vijećnik najmanje zaslužuje to da na pitanje koje se postavi ispred ove govornice dobije odgovor konkretan, decidan, a ne kao u ovom slučaju gdje je za odgovor o kriterijima koje je tražio dobio je Priručnik od mjesne zajednice što apsolutno nije korektno.

Vijećnik Mirsad Mahmutagić, govori da se slaže sa vijećničkom Čičkušićem jer su to razmišljanja o kojima su i oni nekoliko puta ovdje potencirali da pitanja budu konkretna, jasna, decidna i nema potrebe da gubimo vrijeme po dvije-tri sjednice vezano za jedno pitanje ili čekajući da odustanemo od tih pitanja. Iz tog razloga u pisanoj formi dostavio je pitanja na neka su dobili odgovore, na neka djelimično/djelomično a na neka nisu nikako dobili.

Pitanje br. 1. «Već nekoliko godina kroz KV SDP-e potežemo problematiku uklanjanja privremeno izgrađenog objekta u zoni stambenih objekata Soliter – M-4 – dvokatnica do spomen obilježja i Solitera. Nekoliko puta smo dobijali/dobivali odgovor koji nisu bili u pravcu rješavanja problema već zadržavanja postojećeg statusa. Ti razlozi su se smjenjivali od nepostojanja Građevinskog inspektora do nemogućnosti uručivanja rješenja za uklanjanje objekta. Danas su ti razlozi otklonjeni tako da shodno zahtjevu sa 33. redovne sjednice OV, PONOVO

ZAHTJEVAMO da se poduzmu potrebni koraci ka rješavanju ovog problema u najkraćem periodu i da se taj dio zemljišta privede namjeni u skladu sa regulacionim planom Tražimo HITAN odgovor kada će krenuti uklanjanje ovog privremeno izgrađenog objekta i kada će se predmetno zemljište privedi namjeni. Po istom pitanju smo se obratili i na drugoj redovnoj sjednici i nismo dobili do sada nikakav odgovor. Pored toga na sjednici održanoj 27.12.2012.godine isto pitanje/inicijativu smo pokrenuli i kroz urgenciju koja je predana Predsjedavajućem, Do predsjedavajućem i Sekretaru OV Maglaj. «

Pitanje br. 2. « Na II redovnoj sjednici vijećnik Arif Mujkanović je postavio pitanje ispred KV SDP-e u vezi asfaltiranja Pionirske ulice nakon radova BH Tgelecoma. U odgovoru stoji da će radovi na asfaltiranju saobraćajnice oštećene uslijed radova BHT biti plaćeni po m2 nakon asfaltiranja saobraćajnice. S obzirom da nismo zadovoljni dostavljenim odgovorom tražimo da nam se dostavi kopija zapisnika ili ugovora između BHT i Općine Maglaj o naknadnom asfaltiranju kao i zapisnik o tehničkom prijemu izvedenih radova. «

Pitanje br. 3. « Na III redovnoj sjednici OV Maglaj u okviru tačke dnevnog reda koja se odnosi na Informaciju o izvršenju Budžeta-proračuna općine Maglaj za period 01.01. – 30.09.2012.godine tražena je detaljna analiza troškova pod tačkom 2 koja se odnose na sredstva dobijena od Vlade ZDK sa podacima koliko, kada i kome pojedinačno su isplaćena ta sredstva. Molim Vas da nam se dostave ove informacije (analiza troškova) u skladu sa iznesenim zahtjevom tokom rasprave po ovoj tački dnevnog reda.

Dobili smo djelimičan/djelomičan odgovor (odnosi se samo na dio stavki za koje je traženo pojašnjenje) u kojem stoji da tražene podatke ne možemo dobiti sukladno Zakonu o zaštiti ličnih podataka (Službenik glasnik BiH broj 49/06 i 76/01) s obzirom da općinska administracija u pojedinačnim spiskovima nema suglasnost nositelja podataka..

S obzirom da u zakonu o zaštiti ličnih podataka u članu 6. koji se odnosi na **Pravo na obradu ličnih podataka bez saglasnosti nosioca podataka** Kontrolor može obrađivati podatke, bez saglasnosti nosioca podataka, ako je ispunjen jedan od sljedećih uslova/uvjeta:

d) ako je obrada ličnih podataka potrebna za ispunjenje zadataka koji se izvršava u javnom interesu;

f) ako je neophodno za izvršavanje legitimnih aktivnosti političkih stranaka, pokreta, udruženja građana, sindikalnih organizacija i vjerskih zajednica.

S obzirom na navedene stavove iz pomenutog zakona smatramo da tražene informacije možete i trebate dostaviti. «

Pitanje br. 4. «Vijećnica Sanita Kolašinac je u ime KV SDP-e tražila informaciju o novčanim transferima iz Budžeta Općine Maglaj u 2012.godini prema svim sportskim klubovima koji egzistiraju na općini Maglaj. Tražen je analitički pregled pojedinačnih uplata za svaki sportski klub.

Na ovo pitanje je dobijem odgovor u smislu da će u narednom periodu na dnevni red OV Maglaj doći informacija vezana za cjelokupni sport na općini Maglaj. S obzirom da nismo zadovoljni ovim odgovorom tražimo da nam se dostavi informacija u vezi novčanih transfera sportskim klubovima onako kako je tražena a informacija u funkcionisanju sportskih klubova na općini Maglaj kada dođe na dnevni red će biti kao takva i razmatrana».

Pitanje br. 5. « Da li Općinski načelnik sa svojim službama ima viziju gdje i kako napraviti, urediti i realizovati industrijsku zonu-e po važećim standardima što bi omogućilo dobijanje finansijskih potpora viših nivoa vlasti? Ako takva industrijska zona-e iz nekih razloga nije moguća na općini Maglaj da li postoji ikakva vizija na koji način i gdje locirati eventualna nova preduzeća/poduzeća kako nam se ne bi dešavalo da se industrijskim zonama proglašavaju bez ikakvog osnova dijelovi općine gdje je neko svojim trudom, znanjem i sredstvima izgradio privredni objekat kao što je to slučaj na Čakalovcu, Misuricićima, Liješnici itd. Nove zone bi trebale da su riješene kompletnom infrastrukturom».

Vijećnica Šefka Nuhan, govori da na prethodnoj sjednici Ov postavila je vijećničko pitanje vezano za utrošak sredstava budžetske rezerva koji se izdvajaju za davanje injekcija u područnoj ambulanti u Novom Šeheru. Do dan danas nije dobila odgovor, a prošlo je skoro mjesec i po dana. Moli ponovo Službu da joj dostavi podatke koliko je transferisano novca prema Domu zdravlja , a Dom zdravlja da joj dostavi podatke koliko je sredstava transferisano pojedinačno uposlenicima koji rade prekovremeno u područnoj ambulanti u Novom Šeheru na davanju injekcija.

Općinski načelnik, govori da bez obzira kada daje usmene odgovore vijećnik mora dobiti i pismeni odgovor od Službe. Ima nezadovoljnih i dobro je da ovakvo pitanje i pismeno postaviti i on će odrediti jedan datum da sa predstavnicima Službi izdefiniše sve te odgovore i pokušati da budu kvalitetni.

Oko poligona ima odgovor, vezano za gradsko groblje, sve korake koje je vijećnica Svjetlana predložila već su preduzimani. Ostala nam je još jedna lokacija koja je nekad davno predviđena «Podborik» ide to teško, sporo, ali ne stoji se na mjestu, mi smo izučavali Jablanicu, Krsno Polje. Sve do Jablanice, sve do Krsnog Polja, pa smo prešli do Sikole i tu smo ispitivali itd. i nismo našli adekvatnu lokaciju da bi prema svim standardima odgovarala jednom takvom poslu.

Hatičić je dobro primijetio, mora neko iz MZ pokrenuti taj postupak, obično je to grupa građana koja formira građevinski odbor i to se onda riješi.

Odvoz smeća za gospodina Bešića, evo i ovaj projekat «Doma čisto» bi trebao već do kraja marta da dođe još jedna smećara, trebalo bi da dođu kontejneri, trebalo bi kod osnovne škole da dođu raznobojni kontejneri. Imamo Odluku o komunalnom redu i sanitarno higijenskim mjerama koja podrazumijeva da će se odvoziti smeće sa svih područja općine Maglaj i onda ćemo krenuti aktivno da svi građani potpišu ugovor sa KJD da se mora odvoziti smeće. Imamo komunalnog inspektora i samo će nam trebati pomoć sugrađana da se ne prave divlje deponije. Vjerujte ima onih koji kažu da nemaju ništa smeća, a onda njegovo smeće nađete pred nekom tuđom kućom.

Što se tiče pitanja gospođice Kusr, formirali smo Komisiju da se urade i nove odluke o administrativnim taksama i nove odluke o komunalnim taksama i taksama na istaknute firme, tako da je to u toku izrade.

Ima i opravdanih i neopravdanih stvari koje je iznio gospodin Mahmutagić, treba ovu ulicu završiti, sigurno je nedostatak sredstava i naše tvrdoglavosti da je završimo kako treba. Mi smo nju mogli odmah pokrpati i vratiti asfalt što je dignut, ali onda nismo dobili ništa, jer ispod kanalizacija nije u redu i ona poplavi one kuće i to je nekoliko puta objašnjavao. To je velik i krupan zahvat koji traži velike investicije, a mi imamo predviđenih 10-tak hiljada KM. Mora se sva vodovodna i kanalizaciona mreža uraditi u Pionirskoj ulici ako hoćemo da to valja, ako hoćemo da građanima zamažemo oči mi smo to davno mogli razriješiti.

Što se tiče sportskih klubova, razumije da Služba čeka kraj godine i onda ćete imati potpunu informaciju o utrošku tih sredstava i ona je od prilike već pri kraju, bit će detaljno koliko je koji sportski klub dobio, jest da je i on nezadovoljan jer od tih para treba pisati i šta je sve sportski klub uradio. Kad kaže koji klub misli i na sve druge djelatnosti, jer ponekad ima dosta novaca a nema rezultata pa će se u tim informacijama i izvještajima tražiti da vidimo kako je financiran da vidimo hoćemo li ga i dalje nastaviti tako financirati i da li su zaslužili.

Čini mu se da one zapisnike ukoliko nešto fali nije problem to se po nekoliko puta preslušava i ako se to odnosi na sve boračke kategorije mi ćemo iste dodati i riješiti to.

Ne možete imati još kompletne informacije o finansijskim sredstvima jer su ona tek negdje s januarom ćemo imati kompletne situacije, što su nam bili troškovi da bi mogli već negdje krajem februara ili marta imati izvršenje Budžeta i tada ćemo moći reći da nešto nije ili jest 100% realizovano.

Izet Hasić, govori da ovim putem želi zamoliti Općinskog načelnika obzirom da je KJD pri općinskoj službi, ako je to moguće a u cilju ekologije gore u Bradićima MZ Bradići, gore je ružna ekologija kod tunela Bradići. Lahko se može riješiti ako bi se mogao opredijeliti jedan kontejner malo veći, a da pri tome Služba pokuša razgovarati sa Mjesnom zajednicom ima gospodin Ridžal neka se pozovu i dogovore ta neka sredstva, a sve u cilju bolje ekologije. Možemo pogledati tamo u Tešnju organizuju se škole i djeca da nešto zarade, pa bi mogli i mi ovdje nešto tako uraditi.

Vijećnica Svjetlana Zamboni, govori da obzirom da se približava vrijeme proljetnih i ljetnih oluja, postavlja vijećničko pitanje: Ko je zadužen za zaštitu sigurnosti i imovine lica na području općine Maglaj, a koja su ugrožena od strane starih stabala na javnim površinama? Konkretno misli o dva slučaja o kojima su obaviješteni od strane građana, a to je prvi slučaj u ulici Antuna Hangina pored Dječjeg vrtića ulica sa drvoredom kestenja. Radi se o slučaju gospodina Rifata Mehinagića i njegovih komšija gdje je došlo do pucanja stabala kestenja u toku ljeta prošle godine kad su se desile ljetne oluje. Porušeni trupci jesu uklonjeni tada, međutim stabla su ostala nageta i ugrožavaju imovinu ali i živote stanovnika te ulice.

Drugi slučaj je vezan za stara stabla koja se nalaze unutar gradskog groblja u Maglaju i koji svaki čas mogu pasti i naravno oštetiti porodične grobnice na gradskom groblju. Prošle godine je oštećen spomen porodice Tambić, ove godine spomenik Zore Stojanović, a to stablo prijeti i oštećenju spomenika porodice Đurić.

U tom smislu ako je moguće predložila bi inicijativu da se utvrdi stanje na području grada izlaskom predstavnika nadležne službe ili neke komisije koja je nadležna za ovakve slučajeve. Da se pozovu građani putem medija da izvijeste o postojanju takvih stabala ukoliko postoje u gradskoj zoni ali i šire, da se proširi stepen ugroženosti, sigurnosti objekata i građana i da se razmisli naravno i o ponudi nekim privatnim licima koji bi izvršili uklanjanje istih uz dalje određenu naknadu ili možda zadržavanje tih stabala koje bi porušili i odvezli sa sobom.

Vijećnica Selma Avdić, govori da postavlja vijećničko pitanje ispred građana grada Maglaja:

Kada će se riješiti problem ulične rasvjete na području grada Maglaja koja obuhvata ulice: Sulejman Omerović, Ulicu mladih i Ulicu civilnih žrtava rata? Vjerujte ujutro u 6,15 sati dođu osnovni u školu to je mrkli mrak ta djeca ne smiju da prođu do škole. Zato moli da se u što kraćem roku riješi ovaj problem. Zvala je i Općinu i oni su rekli da je to problem sa nekim trafoom i nekim elektrospojem, ne zna. Ali svjetla nije bilo od 15 do 20 dana, a svjetla je nestalo kada je bilo nevrijeme i ona kiša. Nada se da će se ovaj problem riješiti.

Vijećnik Arif Mujkanović, govori da ponovo u ime Kluba SDP-a postavlja pitanje rješavanja parkinga uz objekat Soliter i M-4 te da se konačno ukloni ono ruglo od objekta, koje treba da se tretira kao ruševni objekat, a sad u najmanju ruku služi kao sklonište ili azil kako se popularno naziva za pse lualice i da zato i služi.

Slaže se sa kolegom Čičkušićem da je svrha pitanja da se dobije konkretan i tačan odgovor. Uvijek postavlja pitanje s namjerom da se aktuelni problem koji tišti građane da se i riješi.

Postavio je pitanje: Šta se čini, odnosno šta predstavnici Općine čine da se vrate šahtovi i slivnici po cijelom gradu koji su otuđeni i predstavljaju opasnost za sigurnost građana? Predlaže da se izaberu materijali i

naprave kontra baglame kako bi se mogli sačuvati šahtovi, da bi se sačuvali građani i da bi se izbjegle eventualne tužbe na račun Općine.

Vijećnik Mustafa Bešić, govori da Klub vijećnika SBB ima dva pitanja:

1. Pošto su daleko od Maglaja oko 20 km, stanovništvo novošeherskog kraja pokreće inicijativu oko bolje i sigurnije usluge u Ambulanti Novi Šeher. Traže da se uvede dežura u noćnim satima jednog doktora i jedne medicinske sestre i da se obezbijede jedna kola hitne pomoći. Imaju jako puno invalida i starih osoba, bio je prisutan kad je jedna osoba dobila udar i moralo se čekati jedan sat da dođe hitna iz Maglaja. Treba da znate da na novošeherskom kraju živi više od 8.000 stanovnika.

2. Drugo vijećničko pitanje dostavio je u pisanoj formi a odnosi se na rekonstrukciju na Centralnom spomen obilježju šehida, poginulih boraca i civilnih žrtava rata u parku preko puta zgrade Općine.

«Velika je sramota i uvreda za dostojanstvo naših šehida, boraca i ostalih žrtava rata da ovako značajna ploča izgleda u tako lošem stanju i da se navodno čeka na reklamaciju kod prethodnog izvođača radova».

Vijećnik Mustafa Buljubašić, govori da je ovo pitanje se postavlja već dvije sjednice, jedna sjednica i donijeli smo odluku, pa druga sjednica pa smo donijeli odluku, danas evo četvrta sjednica OV i postavlja se pitanja zbog čega nije ispoštovana odluka OV da se Udruženju penzionera i ostalim boračkim udruženjima isplati ono što je predviđeno u prošloj godini kad smo već dva puta donosili takvu odluku. Zašto nije, kad će biti? Treba da znate da i ova udruženja imaju svoje troškove, i komunalije i sve ostali i ima udruženja koja to nisu uplatili već nekoliko mjeseci. Treba nam taj odgovor.

Drugo pitanje zamoljen je od strane grupe građani: Kad će ona kuća u gradu biti opremljena? Ono više ne predstavlja nekakvu odluku nečega dobrog, nego predstavlja ruglo Starog grada i Maglaja. Niko to nema pravo da narušava pa makar i vlasnik one kuće. Ona kuća prima kiriju za prizemlje i kojim sredstvima se do sada mogla opremiti. Pet prozora, tri reda maltera staviti fasadu i stvar završena. Druga stvar ako nema para i ne zna se ko će je završiti predlaže da iz predviđenih Budžetom sredstava za Udruženje, organizaciju ili zajednicu, kako god hoćete koja su predviđena, kuća bude opremljena za toliko para koliko je uložena budu umanjena.

Kad bi se njega pitalo postavio bi rok 1.maj da se postavi onom vlasniku, a da 1. juna to uradi Općina i da to uradi na način na koji je predložio.

Vijećnik Nedžad Lokmić, govori da će postaviti jedno vijećničko pitanje i jednu inicijativu;

1. Kad se tiče vijećničkog pitanja nastupa povremeno i kao član Vijeća Mjesne zajednice Bijela Ploča. Naime, prije četiri dana u nedjelju su izašli kao članovi komisije na lice mjesta pored objekta braće Mulalića pored firme «art Airon» odnosno budućeg doma za stare i iznemogle, gdje se čovjek bezbroj puta žalio na uništenu kanalizaciju, na curenje fekalija, uništavanja privatne imovine i zaista su zatekli užasno stanje. Na tri četiri mjesta iz zemlje izvire sva ta prljavština, kanalizacija je uništena, što mogu potvrditi i gospoda iz KJD koje su tri – četiri puta pozivali i svojim skromnim sredstvima plaćali čišćenje i dalje se problem isti javlja. U ponedjeljak su opet izašli i isto ustanovi. Vijećničko pitanje glasi: Ko je i kada, pod kojim projektom i pod čijim nadzorom izvršio radove na toj kanalizaciji, to je na potezu iz Plana prema cesti, ko je vršio nadzor i ko je izvršio prijem tih radova? Najbitnije, ko je sada dužan snositi tako velike troškove? Mjesna zajednica nema više sredstava, braća Mulalić su pri kraju nerava sa iščekivanjem i čišćenjem jer to zaista ide i prema kući, prema objektima, mašinama, voćkama itd.

Pokreće inicijativu u cilju izrade projektne dokumentacije za izgradnju mosta u sjevernom dijelu grada, koji bi spajao sjeverni dio grada i Čakalovac. Općina obezbijedi finansiranje i počne prikupljanje prateće dokumentacije koja bi bila osnov za izradu jednog projekta za gradnju mosta na toj lokaciji koja je po prilično uređena kad se tiče izmjene Regulacionog plana, riješenih imovinsko pravnih odnosa, pristupnih puteva s obje strane, dobijenih saglasnosti itd. a sve bi to bila osnova za izradu idejnog projekta, a kasnije traženja urbanističke saglasnosti odnosno izgradnji samog mosta.

Vijećnik Nusret Čakrama, govori da ima dvije inicijative:

Veliki broj roditelja, učenika, nastavnika Osnovne škole «Novi Šeher», kao i građana novošeherskog kraja traže da hitno preduzmemo nešto kako bi se završila Sportska dvorana u Novom Šeheru. Učenici naše škole već nekoliko mjeseci nemaju tjelesnog odgoja, odnosno te časove održavaju u učionici. To je veoma žalosno i velika je sramota svih nas da učenici OŠ «Novi Šeher» u Novom Šeheru u 21 stoljeću nemaju gdje da izvode časove tjelesnog odgoja, a svi dobro znate šta i koliko znači adekvatan tjelesni odgoj u fazi kada učenici rastu i razvijaju se. Zbog toga traži od zakonodavne i izvršne vlasti Općine Maglaj od Vlade i Skupštine ZDK da čim prije zajedničkim snagama i sredstvima završe sportsku dvoranu u Novom Šeheru na radost svih učenika, nastavnika i svih građana novošeherskog kraja. Traži da bude među prioritetima Općine Maglaj.

Druga inicijativa se podudara sa inicijativom oko sječe šume na području općine Maglaj, ali nije zgoreb podebljati je.

Na prošloj sjednici OV kolegica Selma Avdić je ukazala na problem nelegalne sječe šume na općini Maglaj. Smatrali su da će se smanjiti ta sječa šume, međutim, ponovo grupa građana među kojima je i značajan broj lovaca na području Oruča i Misurića ukazuju na intenzivno i nekontrolisanu sječu šume. Zbog toga ponovo traži od nadležne općinske službe, inspekcija, Šumskog privrednog društva Zavidovići da pod hitno zaustave

nelegalnu sječū šume od spomenika u Misurićima pa sve do poligona u Oručama, kao i na čitavoj općini Maglaj. Mi svi dobro znamo da sječom šume ne samo da gubimo šumu nego se ugrožavaju i vodo zahvati kao i biljni i životinjski svijet, zato moramo dati svi svoj doprinos u očuvanju svoje životne okoline kako bi ona bila koliko , toliko za život ljudi, životinja i biljaka.

Vijećnik Ibro Mašić, govori da se vijećničko pitanje podudara sa pitanjem kolege Lokmića i ovim putem mu čestita za ovo što se bori za Mjesnu zajednicu Bijela Ploča, odakle i on dolazi i pažljivo je slušao ova sva pitanja i čovjek je dao najkonkretnije pitanje zato što je to goruće pitanje. Razgovarali smo o tome velika su sredstva potrebna za to. Predlaže da se napravi neki jeftiniji most za našu djecu, jer na Omerdinom polju idu trotoari i sa jedne i s druge strane a prema Bijeloj Ploči dole su živi kaskaderi. Ljudi voze pijani, ludi, drogirani, blesavi, znači dole je samo čista sreća da vas neko ne udari autom ili nešto. Uputio je čestitke kolegi koji se bori za Bijelu Ploču.

Općinski načelnik, govori da što se tiče pitanja gospođe Zamboni,

- Komisija je uradila sve to što ste tražili i predložila je Služba njemu prije 15 dana , nije znao kako će se ono u groblju otkloniti, pa su došli do toga da samo može čovjek ne može mašina to ukloniti. Nada se da će se naći načina da se poruše ona dva kestena i ovo u gradskom groblju. U pitanju su opet finansije itd. ali riješit će se i to. Kad je sječa stabala u pitanju, znate da odmah čitav Maglaj skoči kad neko stablo u gradu porušimo. Komisije su uradile i odredile da treba neka stabla porušiti.
- Objekat kod Solitera nada se da će se konačno sa onim vlasnikom usuglasiti da se to ruši, ako ne onda će se poduzeti svi koraci da se to sruši o trošku Općine Maglaj, pa da onda pokušamo od njega to naplatiti, a zna da nećemo moći jer takav je čovjek.
- Šahtovi, moli da se pomogne mi kupujemo i stavljamo šahtove, oni drugi ih skidaju i otuđuju i neko ih otkupljuje i to je veliki problem koji zapažamo. Kad je urađena kanalizacija u Misurićima za jednu noć je otuđeno oko desetak šahtova a oni nisu ispod 400 do 500,00 KM. Pokušat ćemo ovo što predlažete variti.
- Što se tiče liječenja u Novom Šeheru, on je za, međutim postavite to pitanje Domu zdravlja i onom ko finansira Dom zdravlja, pa ćete čuti da oni imaju strašnih problema sa Fondom koji finansira zdravstvenu zaštitu, da ne mogu udovoljiti ni za svoje vlastite plate i misli da će sada ići sa 5% umanjenja ličnih dohodaka. Jedini Dom zdravlja malo u neravnopravnom odnosu. Mi smo ono što je iz Općine pokušali maksimalno da pomognemo i jedna smo od rijetkih Općina koja finansira Dom zdravlja i kad smo provjeravali najveći iznos na ZDK koji se izdvaja iz Budžeta Općine upravo u Maglaju. Mi to ne možemo riješiti to je problem Fonda i razgovarat će sa direktorom Fonda i rado bi to prihvatio koliko je to moguće.
- Šehidsko spomen obilježje, mi imamo problem da je izvođač loše uradio poslove i on je na Sudu i što bi zamijenili te ploče i ostavili, čekamo da konačno Sud to presudi i trebalo je to već biti gotovo, ali evo kasni se malo.
- Nije razumio gospodina Buljubašića vezano za kuću da li se to radi o kući Islamske zajednice. Mi smo insistirali i pomogli bi da se ona završi u tom se neko igra gluhi telefona i mi ćemo rado pomoći da se ona dovede u stanje kakvo treba. Stvar je samo onog ko je vlasnik da to inicira da se to zajednički uradi. Taj problem već dugo se vuče i mi smo inicirali da se to riješi.
- Kanalizacija je rađena 2003. početkom 2004.godine kad Općina Maglaj nije imala mogućnost nadzora nad radovima. Znači nekada i oni objekti i kuće i drugi objekti koji su rađeni, rađeni su misli «Cros Roads» ili «Odras» , bit će prije da je «odraz», ali nismo imali mogućnost da utičemo. Pogledat ćemo šta je vjerovatno i KJD, nije siguran da je to baš iz kanalizacije, ako se utvrdi da je kanalizacija onda ćemo poduzeti sve mjere. Ne misli da je to neki enormno veliki izdatak i da se to ne može sanirati, a zna da je voda u pitanju i dovodi se u pitanje pitkost vode i to ne smijemo dozvoliti.
- Sportska dvorana u Novom Šeheru, na sve adrese moli i od kada se 2010.godine pojavi nova vlast nitko nas ne razumije. Misli da je najbolji projekt za Novi Šeher i novošehersko područje Sportska dvorana koja ne samo da služi djeci, služi i građanima, služi zbližavanju, tamo su folklori, tamo su kulturno umjetnička društva itd. Apeluje ukoliko imate mogućnost da nam se pomogne i na sve adrese ćemo apelirati da nam pomognu i nisu to više velika sredstva. Ako se zna da smo uložili blizu milion sredstva misli da je to nekih 300 do 400.000,00 KM sa kojim bi se sredstvima mogla pustiti ta dvorana da radi a sigurno treba malo više sredstava da bi ona bila u rangu dvorane u Maglaju. To je dobro zamišljen projekat i samo nam treba mala pomoć.
- Most za Bijelu Ploču, mi smo isprojektovali most za Omerdino polje, projektna dokumentacije je 200.000 KM, znači nije jeftina ni projektna dokumentacija i čekamo hoće li neko pomoći da se taj most uradi čija je vrijednost negdje oko 1.200.000,00 EUR. Naravno da bi ovaj projekat bio negdje stotinjak hiljada , jer bi mi tražili gradski most, manji most i čim se ukaže prilika finansijska mi ćemo to uraditi. Ako neko pita zašto je skup, zato što moraju biti bušenja.
- Napominje da na svako pitanje na koje je odgovorio vijećnici moraju dobiti pismeni odgovor, bez obzira na ovo što je on odgovarao.

- Vežano za udruženja, misli da se dogovorilo da će to biti plaćeno ali da se ne uslovljava da to bude u prvom mjesecu. Misli da je bio takav dogovor. Nismo u finansijskoj situaciji da možemo to odmah ispoštovati, ali smo rekli da ćemo to uraditi u neko vrijeme koje je tolerantno možda prva dva mjeseca.

Predsjedavajući OV, govori da prije nego što krene sa prijedlogom dnevnog reda upozna je vijećnike da je prije početka sjednice sastao se Kolegij, da bi razmatrali 18 tačaka dnevnog reda. Kako smo na prethodnoj sjednici donijeli Odluku o davanju saglasnosti na koncesije za istražne radove i eventualnu eksploataciju, u Donjem Rakovcu, imali smo jedan zaključak da bi trebala Općina Maglaj i koncesionar napraviti ugovor o prijateljskom okruženju. Ponuđena je jedan Program o prijateljskom okruženju, tako da znate da ćemo pod tačkom 18. razmatrati i tu tačku dnevnog reda.

Vijećnik Mirsad Mahmutagić, govori da što se tiče Programa o prijateljskom okruženju, to smo se dogovorili na koji način će to ići. Misli da nije sporno, ovdje je bio dodatni materijal za Informaciju o stanju bezbjednosti/sigurnosti na području općine Maglaj i to je u redu. Za tačku 10 da se skida sa dnevnog reda.

Predložio je da se ubuduće vodi računa i ovo što je vijećnica Hasna govorila, donesemo zaključke, naložimo sami sebi da nešto uradimo na narednoj sjednici i onda dođe sjednica a nema materijala. Konkretno radi se o Odluci o izmjeni i dopuni Odluke o administrativnim taksama, ali ima i ostalih zaključaka koje smo donijeli i da treba određene materijale pripremiti i donijeti na Vijeće. Za neke je rečeno da imaju spremni i dođe sjednica a tih materijala nema. U tom smislu vjerovatano/vjerojatno ćemo i mi kroz Kolegij morati povesti malo više računa da se to ispoštuje.

Predsjedavajući OV, govori da stavlja na razmatranje dnevni red kako je došao u sazivu bez tačke 10. Otvorena je rasprava, nije bilo rasprave i predložen je

D N E V N I R E D

- 1.a) Izvještaj o radu Jedinog organa uprave Općinski načelnik za 2012.godine
- b) Okvirni plan aktivnosti rada Općinskog načelnika za 2013.godinu
- 2.a) Izvještaj o radu Općinskog pravobranilaštva za 2012.godinu
- b) Program rada Općinskog pravobranilaštva za 2013.godinu
- 3.a) Izvještaj o radu OIK-a Maglaj za 2012.godinu
- b) Program rada OIK-a za 2013.godinu
4. Odluka o visini naknade članovima OIK-a
5. Prijedlog Izmjene i dopune Poslovnika o radu Općinskog vijeća
6. Prijedlog Rješenja o imenovanju komisija Općinskog vijeća
7. Prijedlog Programa sa predračunom radova na održavanju izgrađenih komunalnih objekata, gradskog zelenila i zimskog održavanja gradskih javnih površina za 2013. godinu
8. Prijedlog Odluke o prosječnoj konačnoj građevinskoj cijeni 1 m² korisne stambene površine na području općine Maglaj
9. Odluka o produženju roka primjene Prostornog plana opštine Maglaj
10. Rješenje o formiranju građevinske parcele na ime Bradarić (Mehmed) Abdulkadir iz Maglaja za izgradnju stambeno-poslovnog objekta
11. Rješenje o utvrđivanju prvenstvenog prava korištenja zemljišta radi građenja i formiranju građevinske parcele u korist – Hasanić Aziz iz Misurića
12. Prijedlog Odluka, ponuda za otkup zemljišta (Hasanić Aziz i Donlić Tajib)
13. Informacija o kontroli vode za piće iz javnih česmi na području grada Maglaja
14. Informacija o provedenoj sistematskoj preventivnoj deratizaciji na području općine Maglaj (jesenja faza)
15. Informacija o deminiranju, obilježavanju, uništavanju NUS-a te provođenju akcije «Žetva» na općini Maglaj u 2012. godini
16. Informacija o stanju bezbjednosti na području općine Maglaj za 2012.godinu
17. Program prijateljskog okruženja sa Općinom Maglaj u svrhu dodjele koncesije na istražne i eventualnu eksploataciju mineralnog resursa – dijabaza na lokaciji Donji Rakovac općina Maglaj

Usvojeno jednoglasno

- AD - 1.a) Izvještaj o radu Jedinog organa uprave Općinski načelnik za 2012.godine**
b) Okvirni plan aktivnosti rada Općinskog načelnika za 2013.godinu

Uvodno izlaganje Općinski načelnik,

Otvorena je rasprava u kojoj su učestvovali vijećnici Faruk Hidić, Fuad Čičkušić, Mirsad Mahmutagić, Ibro Mašić, Mustafa Bešić, Safet Jašić, Aziz Hasanić, Mustafa Buljubašić, Enes Sejmenović, Sabahudin Hatičić, Muhamed Hrnjić, Mirza Bradarić,

Pauza za Klub SDA

Predsjedavajući OV, govori da zaključuje raspravu i predlaže prvi prijedlog na glasanje iznesen od strane Kluba SDA-a

Z A K L J U Č A K

1.1.a) Usvaja se Izvještaj o radu Jedinственог органа управе Опćински načelnik za 2012.godine, uz prijedloge i sugestije

Usvojeno sa 13 glasova za i 11 glasova protiv

b) Okvirni plan aktivnosti rada Опćinskog načelnika za 2013.godinu

Otvorena je rasprava u kojoj su učestvovali vijećnici Fuad Čičkušić, Mirsad Mahmutagić, Ibro Mašić,

Predsjedavajući OV, govori da zaključuje raspravu i predlaže

Z A K L J U Č A K

1.2.b) Usvaja se Okvirni plan aktivnosti rada Опćinskog načelnika za 2013.godinu

Usvojeno sa 13 glasova za i 11 glasova protiv

AD - 2.a) Izvještaj o radu Опćinskog pravobranilaštva za 2012.godinu

b) Program rada Опćinskog pravobranilaštva za 2013.godinu

Uvodno izlaganje Nermina Botonjić,

Otvorena je rasprava u kojoj su učestvovali vijećnici Mirsad Mahmutagić, Selma Avdić, Faruk Hidić, Muhamed Hrnjić,

Predsjedavajući OV, govori da zaključuje raspravu i predlaže

Z A K L J U Č A K

2.1.a) Usvaja se Izvještaj o radu Опćinskog pravobranilaštva za 2012.godinu

Usvojeno jednoglasno

2.2. b) Usvaja se Program rada Опćinskog pravobranilaštva za 2013.godinu

Usvojeno jednoglasno

AD - 3.a) Izvještaj o radu OIK-a Maglaj za 2012.godinu

b) Program rada OIK-a za 2013.godinu

Uvodno izlaganje Almir Mustabašić, predsjednik OIK-a Maglaj,

Otvorena je rasprava u kojoj su učestvovali vijećnici Svjetlana Zamboni, Nedžad Alisaphić, Faruk Hidić,

Predsjedavajući OV, govori da zaključuje raspravu i predlaže

Z A K L J U Č A K

3.1.a) Usvaja se Izvještaj o radu OIK-a Maglaj za 2012.godinu

Usvojeno jednoglasno

3.2.b) Usvaja se Program rada OIK-a za 2013.godinu

Usvojeno jednoglasno

AD - 4. Odluka o visini naknade članovima OIK-a

Uvodno izlaganje Jasmin Devedžić,

Otvorena je rasprava nije bilo rasprave

Predsjedavajući OV, govori da zaključuje raspravu i predlaže

Z A K L J U Č A K**4.1. Usvaja se Odluka o visini naknade članovima OIK-a**

Usvojeno jednoglasno

AD - 5. Prijedlog Izmjene i dopune Poslovnika o radu Općinskog vijeća

Uvodno izlaganje Jasmin Devedžić

Otvorena je rasprava u kojoj su učestvovali vijećnici Mirsad Mahmutagić, Faruk Hidić, Fuad Čičkušić,

Predsjedavajući OV, govori da zaključuje raspravu i predlaže

Z A K L J U Č A K**5.1. Usvaja se prijedlog izmjena i dopuna Poslovnika o radu uz sugestije koje su iznesene.**

Usvojeno jednoglasno

5.2. Obavezuje se Služba Općinskog načelnika i Općinskog vijeća da sve važnije i ključne dokumente postavlja na web stranicu Općine Maglaj.

Usvojeno jednoglasno

AD -6. Prijedlog Rješenja o imenovanju komisija Općinskog vijeća

Predsjedavajući OV, govori da je Kolegij OV na svojoj sjednici održanoj dana 23.1.2013.godine, razmatrao ovu tačku dnevnog reda i da su predsjednici političkih stranaka usaglašavali stavove, s tim da je jučer zasjedala Komisija za izbor i imenovanje. Pozva je predsjednika komisije da iznese zaključke Komisije.

Uvodno izlaganje Enes Sejmenović, predsjednik Komisije za izbor i imenovanje

Otvorena je rasprava u kojoj su učestvovali vijećnici Faruk Hidić, Enes Sejmenović, Arif Mujkanović, Mirsad Mahmutagić, gost Muhamed Osmić,

Pauza za Klub SDA

Vijećnik Fuad Čičkušić, govori da poslije pauze su se usaglasili da će poštovati prijedlog Komisije i prihvataju i ovu rokadu koju je predložio Arif.

Pauza za Klub SDP-a

Vijećnik Mirsad Mahmutagić, govori da Klub SDP-a prihvata prijedlog Komisija kako je predloženo.

Predsjedavajući OV, govori da zaključuje raspravu i predlaže

Z A K L J U Č A K**6.1. Donose se Rješenja o imenovanju komisija Općinskog vijeća.**

6.1. Da se izvrši izmjena člana umjesto Mujkanović Arif da stoji Kolašinac Sanita u Komisiji za obilježavanje značajnih događaja i ličnosti iz historije Maglaja.

Usvojeno jednoglasno

Predsjedavajući OV, govori da predlaže da se Kolegij sastane i pokuša usaglasiti preostale tačke dnevnog reda, kako bi brže došli do kraja.

Govori da su na Kolegiju usaglasili da ne bi ljudi čekali da prvo razmatramo Informaciju o stanju bezbjednosti/sigurnosti na području općine Maglaj za 2012.godinu

AD - 16. Informacija o stanju bezbjednosti na području općine Maglaj za 2012.godinu

Uvodno izlaganje Alen Mušić, komandir PS

Otvorena je rasprava u kojoj su učestvovali vijećnici Nedžad Lokmić, Fuad Čičkušić, Ibro Mašić, Marko Zelić,

Predsjedavajući OV, govori da predlaže

- Informacija o stanju bezbjednosti na području općine Maglaj za 2012.godinu prima se k znanju.

Predsjedavajući OV, govori da predlaže da se vijeće razmotri i 15 tačku dnevnog reda

AD - 15. Informacija o deminiranju, obilježavanju, uništavanju NUS-a te provođenju akcije «Žetva» na općini Maglaj u 2012. godini

Otvorena je rasprava u kojoj su učestvovali vijećnici Aziz Hasanić, Edin Alispahić, Mustafa Bešić, Muhamed Hrnjić, Anto Maglica, Mustafa Buljubašić,

Predsjedavajući OV, govori da predlaže

- Informacija o deminiranju, obilježavanju, uništavanju NUS-a te provođenju akcije «Žetva» na općini Maglaj u 2012. godini , prima se k znanju.

AD - 8.Prijedlog Odluke o prosječnoj konačnoj građevinskoj cijeni 1 m2 korisne stambene površine na području općine Maglaj

Predsjedavajući OV, govori da su na Kolegiju razmatrali da bi prosječna cijena 1 m2 bila 700,00 KM na prostoru općine kakva je bila i prošle godine. Ukoliko se Vijeće slaže da se donese ovakva Odluka, predložen je

Z A K L J U Č A K

8.1. Usvaja se Odluka o prosječnoj konačnoj građevinskoj cijeni 1 m2 korisne stambene površine na području općine Maglaj.

Općinsko vijeće opredjeljuje cijenu od 700,00 KM/m2

Usvojeno jednoglasno

AD – 9. Odluka o produženju roka primjene Prostornog plana opštine Maglaj

Predsjedavajući OV, govori da su na Kolegiju razmatrali i ovu Odluku, predlaže da se donese Odluka kako je predložena i da se pokrene procedura o izradi novog prostornog plana općine Maglaj, predložio je

Z A K L J U Č A K

9.1. Usvaja se Odluka o produženju roka primjene prostornog plana opštine Maglaj.

9.2. Da se u narednom periodu pristupi izradi novog prostornog plana općine Maglaj.

Usvojeno jednoglasno

AD – 10. Rješenje o formiranju građevinske parcele na ime Bradarić (Mehmed) Abdulkadir iz Maglaja za izgradnju stambeno-poslovnog objekta

Predsjedavajući OV, govori da su na Kolegiju razmatrali Rješenje o formiranju građevinske parcele na ime Bradarić (Mehmed) Abdulkadir , predložili su da se isto donese uz visinu naknade od 120,00 KM m2 . Zaključio je raspravu i predložio

Z A K L J U Č A K

10.1. Donosi se Rješenje o formiranju građevinske parcele na ime Bradarić (Mehmed) Abdulkadir iz Maglaja za izgradnju stambeno-poslovnog objekta.

Općinsko vijeće opredjeljuje cijenu od 120,00 KM/m2

Usvojeno jednoglasno

AD - 11. Rješenje o utvrđivanju prvenstvenog prava korištenja zemljišta radi građenja i formiranju građevinske parcele u korist – Hasanić Aziz iz Misurića

Predsjedavajući OV, govori da su na Kolegiju razmatrali i ovu tačku dnevnog reda i donio odluku da se donese Rješenje o utvrđivanju prvenstvenog prava korištenja zemljišta radi građenja i formiranju građevinske parcele u korist Hasanić Aziz iz Misurića. Kolegij je predložio visinu naknade od 30,00 KM/m².

Predložio je

Z A K L J U Č A K

11.1. Donosi se Rješenje o utvrđivanju prvenstvenog prava korištenja zemljišta radi građenja i formiranju građevinske parcele u korist – Hasanić Aziz iz Misurića .

Općinsko vijeće opredjeljuje cijenu od 30,00 KM/m².

Usvojeno sa 23 glasa za i 1 uzdržan

AD - 12. Prijedlog Odluka, ponuda za otkup zemljišta (Hasanić Aziz i Đonlić Tajib)

Predsjedavajući OV, govori da su na Kolegiju razmatrali Odluke o ponudi za otkup zemljišta Hasanić Aziza i Đonlić Tajiba. Kolegij je donio odluku da ne prihvati ove ponude. Predložio je

Z A K L J U Č A K

1.1. USVAJA se Odluka i ne prihvata se ponuda od strane Hasanić Aziza za otkup zemljišta

1.2. USVAJA se Odluka i ne prihvata se ponuda od strane Đonlić Tajiba iz Maglaja za otkup zemljišta.

Usvojeno sa 23 glasa za i 1 uzdržan

AD - 13. Informacija o kontroli vode za piće iz javnih česmi na području grada Maglaja

Predsjedavajući OV, govori da je Kolegij razmotrio i ovu Informaciju i predlaže da se ista primi k znanju.

- Informacija o kontroli vode za piće iz javnih česmi na području grada Maglaja, prima k znanju .

AD - 14. Informacija o provedenoj sistematskoj preventivnoj deratizaciji na području općine Maglaj (jesenja faza)

Predsjedavajući OV, govori da je Kolegij razmotrio i ovu Informaciju i predlaže da se ista primi k znanju. Predlažu da se donese zaključak uz ovu Informaciju da se zaduži Općina da se vidi ko je zadužen za deratizaciju na području općine Maglaj i da se vidi ko je nadležan za vršenje deratizacije.

- Informacija o provedenoj sistematskoj preventivnoj deratizaciji na području općine Maglaj (jesenja faza , prima se k znanju

Z A K L J U Č A K

14.1. Zadužuje se Općina da provjeri kojoj je firmi dodijeljen posao za vršenje deratizacije, i ko je nadležan za vršenje deratizacije ?

Usvojeno jednoglasno

AD - 17. Program prijateljskog okruženja sa Općinom Maglaj u svrhu dodjele koncesije na istražne i eventualnu eksploataciju mineralnog resursa – dijabaza na lokaciji Donji Rakovac općina Maglaj

Otvorena je rasprava u kojoj su učestvovali vijećnici Faruk Hidić, Nedžad Lokmić, Svjetlana Zamboni, Općinski načelnik , Mirsad Mahmujtagić, Fuad Hajrulahović,

Predsjedavajući OV, govori da predlaže da se da suglasnost na Program o prijateljskom okruženju između Općine Maglaj i koncesionara uz ove primjedbe gospodina Lokmića i gospođe Zamboni , da se dostavi ugovor Kolegiju OV na razmatranje.

Predložio je

Z A K L J U Č A K

17.1. Daje se suglasnost Općinskom načelniku, da potpiše Program o prijateljskog okruženja sa Općinom Maglaj u svrhu dodjele koncesije na istraživanje i eventualnu eksploataciju mineralnog resursa – dijabaza na lokaciji Donji Rakovac općina Maglaj.

17.2. Da se ispoštuju svi ranije doneseni zaključci po pitanju dodjele koncesija na lokaciji Donji Rakovac, te da se ugovor između koncesionara i Općine Maglaj, dostavi Kolegiju OV na razmatranje.

Usvojeno sa 21 glas za i 3 uzdržana

Vijećnik Mirsad Mahmutagić, govori da ima repliku, da se gospodin Hajrulahović ne ljuti, ovdje je Načelnik rekao Služba sugeriše a sad je bilo 22 i nešto i zato je rekao onako kako je rekao. Ako je bilo potrebno onda se moglo ranije reći i ne bi skinuli s dnevnog reda i bili su takvog stava a vjeruje da će se naći modus i za ovaj mjesec, a na kraju ima KJD i dio novca koji naplaćuje od građana i pravnih lica mimo Budžeta.

Završeno u 22,28 sati

Zapisničar,
Nisveta Bašić

PREDSJEDAVAJUĆI OV,
Marko Zelić

Sastavni dio zapisnika čini tonski zapis